



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1566 usque ad annum 1572

Fleury, Claude

August. Vind. [u.a.], 1772

VD18 90118634

§. 26. Gregorius Pauli cum aliis profugus.

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

hic Nobilis Philoppovium sibi aliis titulis obstrictum haberet; hinc Filio suo mortem minitabatur, nisi accusato prompte satisfaceret. Id quidem Filius, cum Vir esset omnibus honesti Viri dotibus abunde ornatus, lubenti animo, tamque generose præstitit, ut ad indulgentiam huic condemnato impendendam, necnon veniam eidem impertiendam Regem propensum redderet: hinc omnes accusationes in eum intentatæ, cunctaque illius hostium molimina, imo etiam ipsa mortis sententia adversus eum tam solemniter pronuntiata suo frustrabantur successu. Præterea, cum quidam cujusdam Pagi Parochus juxta præfatum edictum alios de hæresi accusatos denuntiare vellet, nullatenus audiebatur; quamprimum enim hi declarabant, quod nec Ariani, nec Anabaptistæ essent, sed sacras literas, Apostolorum Symbolum, & primorum sæculorum fidem profiterentur, mox ab omni judicii severitate absoluebantur.

§. XXVI.

Gregorius Pauli cum aliis profugus.

Gregorius Pauli percelebris ille Soci-
nianus, cujus jam supra meminimus, cum vereretur, ne Miscovius
hoc Regis edicto fretus quicquam con-

Sæcul. XVI.
A.C. 1566.

Florim.
Ræm. de
ortu hæres.
Spond. an-
nal. ad
ann. 1561,

Hist. Eccles. Tom. XLVIII. D tra

Sæcul. XVI. tra ejus errores moliretur, fugam ar-
A.C. 1566. ripuit unacum quibusdam aliis Ministris,
 qui easdem cum illo hæreses fovebant. Hic idem Gregorius in Briesciensi Pa-
 latinatu natus tam liberaliter Lutheri
 venenum hauserat, ut anno Domini
 millesimo quingentesimo quinquagesimo
 quinto in præcipua existimatorum Re-
 formatorum Ecclesia Minister in Polonia
 crearetur: in hac itaque Ecclesia, quæ
 in quodam Cracoviensi oppido in æ-
 dibus Bonarii erat, Gregorius conceptæ
 de sua doctrina, & Zelo spei, atque ex-
 pectationi adeo satisfecerat, ut etiam
 pro minoris Poloniæ Ecclesiis Rector,
 seu Superintendens, ut vocant, nomi-
 naretur: de cetero Catholici Scripto-
 res referunt, quod hic fuerit Vir am-
 bitiosus, sceleratus, impius, pertinax,
 atque etiam suis quamtumvis modera-
 tionibus oppido exosus, qui etiam Ser-
 veti errores per Poloniam diffudit, at-
 que acriter contra Sanctissimam Trini-
 tatem insurrexit, quapropter suorum
 scelerum probe conscius opportuna fu-
 ga vitæ suæ consulere cogebatur, alii
 vero ejusdem factionis focii ad Sylvas
 confugerant, nec pauci ad Albinum,
 vel Philoppovium secesserunt, qui spe-
 cietenus se edictum in comitiis promul-
 gatum revereri profitebantur, veriti,
 ne tunc, si aperte illud impugnarent,
 eadem

eadem severitate, qua Servetus, etiam ipsi plecterentur, atque extremo supplicio e medio tollerentur.

Sæcul. XVI.
A.C. 1566.

§. XXVII.

Lublinensis Calvinistarum Synodus.

Sub idem tempus Lutherani, & Calvinistæ obtenta a Lublinsibus facultate ibidem Synodum celebrabant, ad quam illi tanta frequentia confluerant, ut eorum factio numero, & potentia Antitrinitariis prævaleret, ideoque hi nequidem huic conventui interesse auderent, sed rupta omni mora urbe excedere cogentur, ubi ad majorem adhuc crudelitatem res devenisset, nisi Nicolaus Senieskius ad Comitia ablegatus Regem rogasset, ut comitiorum libertatem tueri, ac præpedire vellet, ne ejus subditi vexarentur: unde Rex complacendi studio incitatus non modo ullam Antitrinitariis, qui passim Pinczovienses vocabantur, vim inferri vetuit, sed etiam eos suo patrocinio honorare dignatus est: hi tamen comitia haud ultra, aut saltem nonnisi raro admodum, atque exiguo numero accedere consultum censebant, ne eminentis Reformatis suspicionem ingererent, vel sibi novos illorum insultus accerferent. Verum nec hæc circumspectio ipsis profuit; quippe existimati

*Lub. de
convent.
hæret.*